



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Datum: 29-08-2018
Broj: 08-34-2-1777-1/18

Na osnovu člana 8, stav 2 pod b) Zakona o statistici BiH (Službeni Glasnik BiH 26/04 i 42/04), Agencija za statistiku BiH upućuje

POZIV ZA IZRAŽAVANJE INTERESA

za uspostavljanje liste konsultanata za pružanje pomoći Agenciji za statistiku BiH u okviru implementacije sljedećih projekata:

1. IPA 2015 MBP- PP7.3 South East Europe (SEE2020) Indicators
2. IPA 2015 MBP PP3.6 Energy Statistics
3. IPA 2015 MBP PP 3.3. – Transport statistics
4. IPA 2015 MBP PP 7.2: SDGs indicators

5. Pojašnjenje

Agencija za statistiku Bosne i Hercegovine je nadležna za obradu, distribuciju i utvrđivanje statističkih podataka Bosne i Hercegovine, vrši međunarodno predstavljanje i saradnju sa organizacijama i ostalim tijelima i izvršava međunarodne obaveze Bosne i Hercegovine po pitanju statistike.

Pilot projekti u okviru IPA 2015 višegodišnjeg programa statističke saradnje pokrenuti su sa osnovnim ciljem pružanja pomoći Bosni i Hercegovini u izgradnji i jačanju različitih aspekata statističkih oblasti: pravni osnov, institucionalni okvir, prikupljanje podataka i kompilacija, procjena kvaliteta i objavljivanje i diseminacija podataka.

Cilj pilot projekata je jačati statistički sistem kontinuiranim usklađivanjem s nacionalnim i međunarodnim potrebama i zahtjevima; razvijati partnerski odnos s korisnicima podataka i jedinicama koje su obuhvaćene statističkim istraživanjima; osigurati kvalitetne i harmonizirane službene statističke podatke svim korisnicima; osigurati raspoloživost statističkih podataka radi efikasnog praćenja mjera ekonomske politike i drugih aktivnosti usmjerenih na ostvarenje održivog razvoja; razvijati novi skup statističkih informacija relevantnih za donošenje odluka.

Očekuje se da će se implementacijom pilot projekata uskladiti sa zahtjevima statističkog sistema EU-a u pogledu brojnosti statističkih pokazatelja, rokova objavljivanja i primijenjene metodologije; uvesti dodatni pokazatelji koji povezuju ekonomske trendove sa različitim aspektima kvalitete života, zaštite okoliša, blagostanja stanovništva, zdravstvenih uslova i socijalne kohezije; poboljšati sveukupni statistički procesi pri proizvodnji, prikazu i diseminaciji podataka sa aspekta harmonizacije metodološkog okvira i metoda koje se primjenjuju za statistička istraživanja; povećavati efikasnost u procesu prikupljanja, obrade i objave podataka.

2. Ugovorni autoritet:

Agencija za statistiku BiH
Adresa 1:
Zelenih beretki 26
71 000, Sarajevo
Bosna i Hercegovina

Ovim pozivom za izražavanje interesa upravlja Agencija za statistiku Bosne i Hercegovine. Odabrani eksperti u okviru uspostavljene liste pružaju konsultantske usluge timu Agencije za statistiku Bosne i Hercegovine na implementaciji pilot projekata.

3. Procedura prijave:

Cilj ovog poziva za izražavanje interesa je uspostavljanje liste eksternih stručnjaka. Izražavanje interesa se podnosi na jednom od službenih jezika Bosne i Hercegovine putem sljedeće e-mail adrese: projekat.npcws@bhas.gov.ba

Od podnosioca zahtjeva se traži da podnesu detaljnu biografiju (CV) i popunjen i potpisan skenirani formular koji je dostupan na web strani Agencije za statistiku Bosne i Hercegovine. Agencija za statistiku Bosne i Hercegovine može naknadno tražiti dokaze da kandidat posjeduje potrebne vještine i profesionalno iskustvo u vezi sa ciljevima Projekta za koji se prijavljuju. Uključivanje na listu konsultanata ne podrazumijeva automatsku obavezu od strane ugovornog autoriteta u vezi zaključivanja ugovora. Ugovori se potpisuju sa odabranim stručnjacima, tj. fizičkim licima.

Pravo učestvovanja imaju kandidati koji ispunjavaju sljedeće opšte i posebne uslove:

4. Opšti uslovi

1. Da je kandidat stariji od 18 godina,
2. Da je državljanin Bosne i Hercegovine sa prebivalištem u BiH,
3. Da posjeduje najmanje visoku stručnu spremu
4. Da se protiv kandidata ne vodi krivični postupak

5. Kriteriji odabira:

Stručnjaci se biraju na osnovu njihove stručne i tehničke sposobnosti za obavljanje zadataka opisanih u ovom pozivu prema sljedećim kriterijumima:

- najmanje 5 godine iskustva u oblasti ekspertize pokrivenog posebnim zadatkom,
- aktivno korištenje engleskog jezika i korištenje IT alata
- Sva prethodna tražena iskustva i sposobnosti će se procjenjivati na osnovu informacija koju kandidati moraju dostaviti u svojoj online biografiji koja je dio njihove aplikacije.

6. Potrebni dokumenti:

- Detaljna biografija (CV)
- Popunjen i potpisan formular za kandidate koji je dostupan na web strani Agencije

7. Razmatranje prijava:

Podnešene prijave razmatraće Komisija za izbor koju imenuje direktor Agencije za statistiku BiH, a koja se sastoji od tri člana državnih službenika Agencije za statistiku BiH. Komisija će izvršiti kontrolu prispjelih prijava i ispunjavanja uslova iz javnog poziva i formirati listu kandidata koji zadovoljavaju navedene uslove.

8. Rok za podnošenje prijava:

Javni poziv je otvoren u periodu od **29.08.2018** do **04.09.2018 do 14:00** na web strani Agencije za statistiku BiH, www.bhas.ba. Nepotpune prijave se neće razmatrati.